



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Medit. II. De Judicio extremo.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

Confidera III. Quam proinde gaudere ob statum hunc susceptum, atque ut dignè ambules vocatione tua, omnes conatum diligentiamque adhibere debeas. Colloquium

Vide etiam Masenium fol. 147. aut etiam Weyerer fol. 326.

### Conclusiones.

I. Ergo *Vigila, quia nescis diem, neque horam* Matt. 25. *Beati servi illi, quos, cum Venierit Dominus, invenerunt vigilantes* Luc. 12.

II. Ergo *Memor esto, quoniam mors non tardat, & Testamentum Inferorum, quoniam monstratum est tibi.* Eccl. 12. *Non tardes converti ad Dominum, & ne differas die in diem; subito enim veniet hora illius, & in tempore dicta disperdet te.* cap. 5.

III. Ergo *Ante obitum operare justitiam.* Non desperis à die bono, & particula boni doni non te pretereat. Eccl. 12. ut dicere possis cum S. Paulo 2. Tim. 4. *Bona tamen certavi, fidem servavi, in reliquo reposita est mihi corona gloria, quam reddet mihi Dominus in illa die.* Index.

Legatur etiam ex Thom. Kemp. l. 1. c. 23.

### MEDITATIO II.

#### Pro tertia Die.

#### Scopus.

#### Salutaris Judicij extremi Timor.

#### Punctum I.

Confidera I. Quid sit extremum Judicium, nempe Ratio Rationis à Christo ab omnibus & coram omnibus ministris reddenda. Tunc enim verificabitur illud Apoc. 19. *Et vidi thronum magnum candidum, & sedentem super eum, à cuius conspectu fugit terra, & cælum, & locus non est inventus eis.* Et vidi mortuos magnos & pusillos stantes in conspectu throni, & libri aperti sunt, & alius liber scriptus est, qui est Vita, & iudicati sunt mortui ex his, quae scripta erant in libro, secundum opera ipsorum.

Considera II. Quam terribile sit hoc iudicium futurum, propter *judicem* ipsum, qui est infallibilis propter scientiam, inflexibilis propter iustitiam, inevitabilis propter potentiam: tum propter *personas* presentes, Angelos scilicet & Sanctos assidentes, dæmones accusantes, homines alios habitantes & audientes singula, quæ agentur: tum propter *gloriam* rigorem iudicij, utpote in quo *cuncta, quæ sunt, adducet in iudicium*. Eccles. 12. & etiam *de verbo* quod locuti fuerint, homines rationem reddent. Luc. 12. tum propter *sententiam* ferendam, quæ erit in omnem eternitatem irrevocabilis.

Considera III. An non meritò dixerit Propheta Joël. c. 2. *Magnus dies Domini, & terribilis valde; & quis sustinebit* eum? an non & tu meritò cum S. Anselmo exclamare deus: *O angustia! hinc erunt accusantia peccata, inde irerens iustitia; subitus patens horridum chaos Inferni, deterratus Iudex, intus urens conscientia. Et si iustus vix* existat, peccator sic depressus in quam partem se premet *tristis? ubi latebo? ubi apparebo? latere erit impossibile, apparere intollerabile. Quid dormitas, & animu tepidum digna evomi? qui non expergiscitur, qui non tremis tantum tonitruum, non dormit, sed moriurus est.* Colloquium.

## Punctum II.

Considera I. Si iuxta Servatoris sententiam *Omni, cui multum datum est, multum quæretur ab eo; & cui commiserunt multum, plus petent ab eo.* Luc. 12. Quam sententia exigenda sit à Sacerdote, cui Deus non propriam animam, sed alias etiam regendas & salvandas commisit: nam, ut S. Chrysostomus hom. 3. in cap. 1. Act. 1. loquitur, *unius anima perditio tantam habet iacturam, ut nulla ratio possit existimare. Etenim si unius anime salus tanti est, ut ob hanc Filius Dei fieret homo, tantum periret; perditio, cogita, quantam conciliabit penam?* Quod si quis ob hominem in hac vita perditum morte dignus fuerit, quanto magis ille, qui animas perdidit? unde meritò Hieronymus l. 13. in cap. 43. Ezech. dixit: *Grandis dignitas Sacerdotum, sed grandis ruina eorum, si peccent. Latet.* Infruct. VIII.

temur ad ascensum, sed timeamus ad lapsum. Non est tam magis  
gaudij excelsa tenuisse, quanti mororis de sublimibus con-  
ruisse. Neque enim solum pro nostris delictis, reddimus  
rationem, sed pro omnibus, quorum abutimur donis, & tam  
quaquam sumus de eorum salute solliciti.

Confidera II. Quam iustum hæc consideratio timore  
tibi injicere debeat, ne & tu in tam severa exactione Ratio-  
nis succumbas, & tot animarum reus condemneris, si audieris  
vocem illam: *Redde rationem villicationis tuae*. Luc. 13.  
an non cum Job. c. 31, dicturus sis: *Quid faciam, cum in-  
revertetur ad judicandum Dominus, & cum interrogaverit  
quid respondebo illi?*

Confidera III. Quam merito proin efficere debes,  
illa vox: *Surgite mortui venite ad iudicium*: auribus  
perinde, ac olim S. Hieronymo constanter insonet, si quis  
per eam ad vocationem tuam dignè implendam exortetur.  
Colloquium.

## Punctum III.

Confidera I. Cum quanta Fiducia & desiderio com-  
punctus sit tum in particulari, tum in universali iudicio  
Sacerdos, qui dignè vocatione sua ambulavit, atque unice  
majorem Dei Gloriam, suamque ac proximi salutem propo-  
randam incubuit. Au non cum magno suo honore &  
tuo accedet ad Christum Judicem, dicetque: *Dominus, da  
talenta tradidisti mihi* (scilicet naturales & supernaturales  
ac gratias) *ecce alia duo* (nempe meam & proximi  
rem) *superlucratus sum*: vicissimque audiet: *Euge  
bone & fidelis, quia super pauca fuisti fidelis, super multa  
constituam, intra in gaudium Domini tui*, Matt. 25.  
non cum inexplicabili lætitia audiet eundem Judicem  
centem: *Venite benedicti Patris mei, possidete paratum  
vobis regnum à constitutione Mundi; esurivi enim, & deditis  
mihi manducare &c.* & quidem hæc omnia non carnaliter  
tantum, sed multò præstantius, spiritualiter  
per tot annos præstitistis? Si ille Sacerdos, qui pauperum  
confessiones præ alijs libenter audivit, ab iisdem postea  
cælo descendentibus ad idem cælum cum gaudio deducitur  
est (ut in spec. exempl. V. Confessio ex. 18. videre est) quæ

magis ab animabus curæ suæ commissis ad Judicium de-  
betur ille Sacerdos, qui non confessiones duntaxat earum  
sincer exepit, sed alia etiam quàmplurima charitatis o-  
peris ipsdem exhibuit?

Considera II. Quàm meritò hæc consideratio sola suffi-  
ciat, ut omni cum alacritate industriâque officio tuo  
assidere studeas.

Considera III. Quomodo nunc ad hoc Judicium præpa-  
ratus fores? & quomodo deinceps præparare te velis. Col-  
loquium.

Vide etiam Masenium fol. 465. aut lucem veritatis P. San-  
cti. fol. 97.

Conclusiones.

I. Ergo presentis temporis sic age latitiam, ut nunquam  
inveniendo sequentis Iudicij recedat a memoria. S. Gregor.

II. Ergo S. Augustini sequere consilium & in Tribunal  
Iudicis ascende contra te. Et reum te constitue ante te. Noli  
timere post te, ne Deus te ponat ante se. Si enim nosmet-  
ipso judicaremur, non utique judicaremur, ait D. Paulus  
1. Cor. 11.

III. Ergo præoccupemus faciem Iudicis in Confessione, ut  
non tentati non parentes manum non possumus effugere Iudi-  
cis per confessionem mundati clementiam experiamur mi-  
sericordis. S. Gregor.

Legatur etiam ex lib. de imit. l. 1. c. 24.

CONSIDERATIO PRO III. DIE.

DE ACTIONIBUS AD DEUM PER-  
TINENTIBVS.

Punctum I.

Quidquid erga Deum immediatè præstandum est ( de hoc  
suo enim reflexio fiet in hac consideratione ) ad quinque  
virtutes revocari potest, nempe ad fidem, spem, charitatem,  
religionem, gratitudinem. Itaque ut cognoscas, num tuæ  
erga Deum obligationi hætenus satisfeceris.

Examina I. An, quod fidei officium est, universa, quæ  
Deus revelavit per se vel Ecclesiam, corde seu cogitatione,  
V 2 verbo,

verbo, & opere confessus sis, ideoque vitam supernaturalibus  
veritatibus correspondentem duxeris?

II. An per spem supernaturalem speraveris te beatitudinem  
aeternam consecuturum, atque ad hunc finem Deum  
propter merita Christi te posse, scire, & velle juvare, ac  
omnia tam naturalia, quam supernaturalia media largiturum?

III. An per charitatem Deum tam *effectivè* (id est, ga-  
dendo summè de ipsius existentia, & optando ardentissimè,  
ut ab omnibus rebus conditis magis ac magis quotidie  
agnoscatur, & ametur, in qua cognitione & amore ejus  
gloria consistit) quam *effectivè* amaveris id est, om-  
nias tuas cogitationes, verba, & opera ad purum ejus benefici-  
um direxeris, cogitando, loquendo, & agendo ac patienter  
quæ, quomodo, & quia ei magis placent.

IV. An per Religionem debitum ei cultum exhibeas  
ideoque exercitia tua spiritualia, puta meditationem, orationem  
vocalem, Sacrificium Missæ, Sacramentorum receptionem & administrationem,  
lectionem spiritualem, & ministramina & recollectionem cum debita reverentia & devotio-  
constantiaque peregeris?

V. An debitas pro acceptis beneficijs gratias per gratitudi-  
nis virtutem suo tempore diligenter egeris?

#### Punctum II.

Ut autem hunc cultum deinceps Deo tantò promptius  
curatiusque exhibeas, plurimum juvabit, si debitam Deo  
potentiâ, sapientiâ, & bonitate æstimationem conciperes  
deas; si enim Aulici hujus sæculi tam promptè & exactè  
perata obsequia præstant Dominis suis terrenis, qui  
cum illis quoad naturam conditionis sunt, quoad virtutem  
& gratiam verò sæpe deteriores existunt; & præterea  
exiguam, incertam, & perituram mercedem offerunt; tan-  
tò promptius, exactiusque obsequium præstabitur Deo  
firmiter credatur, cum dignitate, sapientiâ, & liberalitate  
omnibus hominibus infinities præstare? Si illi tam facile  
se reputant, si frequens ijs cum Rege aut Principe suo agere  
& colloquendi facultas & occasio offeratur, sequè  
charos & gratiosos esse advertant; quàm beatum se putant  
qui Deo multum dilectum & acceptum se esse sperare possunt.

quoties liberit, cum eo colloquendi & conversandi occasionem & licentiam est nactus?

I. Ergo accuratè perpende, quantæ dignitatis & potentia hic Dominus, scilicet *Rex Regum, & Dominus Dominantium*. Apoc. 19. *Qui est terribilis, & magnus vehementer, & mirabilis potentia ipsius*, teste Siracide c. 43. *quæ unus digitus appendit molem terra juxta Isaiam c. 40. de quo prædixit idem Ecclesiasticus c. 43. dixit: Glorificantes Deum; quantumcumque potueritis, supervalebit adhuc, & admirabilis magnificentia ejus. Benedicentes Dominum exaltate illum, quantum potestis, major est enim omni laude.*

II. Pariter sapientiam illius considera, qua solus se ipsum comprehendit, & ideo omnia in se videt & contemplatur: *quam effudit super omnia opera sua*. Eccl. 1. *quæ omnia in numero, pondere, & mensura disposuit*. Sap. 11. *quæ numerum stellarum numerat*. pl. 146. quam admirans D. Paulus Rom. 11. exclamavit: *O altitudo divitiarum sapientie & scientie Dei! quam incomprehensibilia sunt judicia ejus, & investigabiles viæ ejus!*

III. Bonitatem quoque illius studiosè meditare, tum eam, quam habet in ordine ad se, & cum sanctitate conjunctam ratione cuius meritò dicitur, *nemo bonus nisi solus Deus*. Luc. 11. &, *non est sanctus, ut est Dominus*. 1. Reg. 2. tum eam, quam habet ad alios, & cum liberalitate conjunctam, *quæ mensuram bonam, convertam, & coagitatam, & supereffluentem dabit in sinum nostrum*. Luc. 6. *quæ præmium pro servitio sibi præstito offert infinitum in substantia & duracione. Quæ coronat nos in misericordia & miserationibus*. Mal. 102. *quæ dat omnibus affluenter, & non improperat*. Job. 1. *quæ postulat pro nobis gemitibus in enarrabilibus*. Rom. 8. *quæ, antequam clamemus, exaudit*. Isa. 65. *quæ manum suam aperit, & omne animal implet benedictione*. Pl. 103.

### Punctum III.

Præter hæc motiva, quæ voluntatem excitant ad descriptionem Dei cultum, sequentia etiam media non parùm in actuali servitio præstando juvabunt.

I. Si Deum ubique spectantem & præsentem tibi imaginæris,

neris, & cum S. Apostolo *invisibilem tanquam videns* *scilicet* *ne as*, hebr. 11. hoc enim ipse Deus Abrahamo Gen. 17. commendavit dicens; *Ego Dominus omnipotens, ambula cum me, & esto perfectus.* Certè si magna pars peccatorum tollitur, teste Seneca Ep. 11. si peccaturis testis assistat, facilitate omnia peccata excludet viva Dei præsentis memoria.

II. Si studeas actiones ex puro Dei placendi desiderio amore peragere; sic enim dices cum S. David 1. par. *Totus viribus preparavi impensas domus Domini* (autem vel illam actionem peregi) *non enim homini preparavi sed Deo offertur hæc actio.* Sicque præ illius amore videtur tibi dies & labores tui pauci ac faciles.

III. Si integros famulorum Aulicorum greges tibi oculos sistas, & quanto cum fervore ob vilem mercedem terrenis dominis serviant, attendens, illa olim S. Augustini exprobrata verba dici tibi à Religionis virtute exultantibus potuerunt isti & isti, & tu non poteris? vide proinde hæc media hæcenus usurpaveris, & usurpare deinceps velis.

### MEDITATIO III. pro tertia die.

## DE PURGATORIO ET INFERNIS

### Scopus.

*Odiū Peccati, & zelus Animarum ex gemine hæc  
pæna consideratione concepti.*

### Punctum I.

Considera I. Quàm gravis sit purgatorij pæna sententia S. Thomæ aliorumque sententiam, tanta nempe, ut omnem pænam, quam homo unquam passus est, aut pati potest, minimaque in illo loco pæna maximas pænas vite longè excedat.

Considera II. Quàm longè gravior sit ipsius Inferni pæna futura; si enim in viridi signo hæc faciunt; in arido fiet; si Deus amicorum culpas tam graviter castigat, quibus pænis inimicorum offensas puniet? Hinc merito locum breviter quispiam descripsit hoc modo; Est locus